



93 453

## QVÆSTIO MEDICA

QVOD LIBETARIIS DISPUTATIONIBVS

MANE DISCVTIENDA

IN SCHOLIS MEDICORVM

die Iovis 3. Decembris.

M. CAROLO MARTEAV,

DOCTORE MEDICO, PRÆSIDE.

*An omni Apoplexiæ jugularium sectio?*

I.

CEREBRVM, rationis functionumque animalium propria sedes & organum, quasi totus est homo: eius mirabilis est structura, multis sinubus excavata, venarum & arteriarum labyrinthis plexibus implicita: substantia mollis & sequax, excipiendis ac retinendis rerum simulachris aptissima: temperies frigida, humida, pacatis & quietis sensuum operibus accommodatissima: ne quis ergo perperam arbitretur, cordi tantum refrigerando cerebrum impositum. Hæc pars sua quâ valet virtute spiritus cudit animales, qui per nervos exinde commeant ad eas partes, quas oportet esse instructas motu & sensu. quo pluribus dotibus cæteris antestat partibus, eo crudelioribus divexatur morbis: proprio aliarumque partium vicio laborat: trunco corporis insidens, in se recipit, quidquid sursum effertur ab infernis, cuius assiduis haustibus inebriatur; sicque per venas, arterias, cœcosque ductus humor copiosus in eius substantiam, transmittitur, quo imbuta humor congeneres quoslibet promit affectus. Hinc tota moles contaminatur, læduntur membranæ, irritantur nervi, ventriculi impediuntur, facultates conturbantur. Vnde errores mentis, præpostera ratio, cinia, phrenitides, melancholiæ, incubus, coma, carus, lethargus, epilepsia, quæ nihil divinum admittit, & (quod malorum omnium cumulus est) Apoplexia, quæ uno quasi momento admissis habens

irruit, vix gradu testudineo recedit, nec citra labem principibus facultatibus inuistam.

## II.

**A**POPLEXIA, omnium cerebri gravissimus ac insensibilis affectus, contagio febreque carens, quamvis peracutus, terribilissimus proditoris instar ex insidiis, non sine vitæ periculo ægrum semper aggreditur, quovis loco, quovis tempore, adstantes etiam in merum conjicit; non sibi constant, qui cernunt ægrum, cui valetudo integra videbatur (nam ut multi sensim consumuntur langore, ita non pauciores fiduciâ secundæ valetudinis statim opprimuntur) lapsu præcipiti, veluti fulmine ictum sideratumque concidere, & sonum quemdam confusum, terrificum, ex anhelanti pectore, quasi vitæ iam corruentis fragorem, referre. *ἡ ἀποπληξία τὸν πνεῦμα τὸν ζωτικόν* generatur: hic enim mortis satelles, statim facultati animali vincula injicit, cuius sensum & motum captat, stricte ligat, & rationi lucem eripit, organa animæ ita occupans, ut intercepta lateat. æger veluti dormiens iacet, sine somno stertit, ad nullas inclamationes, nec ad quasvis collisiones expergiscitur, tam gravis torpor attonitum tenet, ut nullis stimulis, cum discutere queas; unde iure potest dici *ἀποπληξία τὸ φρεσίνος ἀσθένεια*, & *τὸν πνεῦμα τὸν ζωτικόν*, à syncope & ab hysterica suffocatione, pulsu circa initia valido & pleno dissidens. Huius variæ differentię pro maiori aut minori respirationis læsione inducuntur; *ισχυρὴ*, ubi præter stertorem, spuma circa os collecta exitium portendit ineluctabile; *ἀσθενὴς* triplex, nunquam non acuta, dum intentus ac violentus, inæqualis ac intermittens, vel ad ordinem naturalem accedens, motus thoracis deprehenditur.

## III.

**A**POPLEXIAM præcedunt non raro, tanquam præcursores emissarij, vertigo, tremor, ac stupor: ipsam non sola dyscratia parit, nec sufficit; vix vapor; sed quispiam humor; raro bilis, sæpissime sanguis; qui cerebri substantiam obruit; ventriculos affatim implet, premit, obstruit; sic plerumque ictus sanguinis incautos siderat. Menstruorum & hæmorrhoidum parens humor, in corpore præter naturam suppressus, nonnunquam per *μεταστάσιν αἵματος* in cerebrum translatus, apoplexiam inducit; maxime ubi interceptis, compressis, & copiâ turgentibus venis & arteriis, vel spiritui vitali ad cerebrum viâ præcluditur: vel animalis ad organa sensus & motus descensu prohibetur. Quibus caput occasione aliquâ fuerit valde concussum, sanguine ab apertis, aut disruptis vasis per cerebrum effuso. *αἰακὴ ἀφώνους ἰνιδου παρὰ χεῖμα*. Epilep-

3  
fia, coma, lethargus, adauctâ materiâ, etsi viscidâ, frigidâ, in morbum attonitum degenerant: tunc ad cerebrum pessime sic affectum, oneris gravitate oppressum, confestim concurrunt ex omni parte sanguis & spiritus: qui *ἐξελθόντες φεγγυμονοῦσθαι* efficiendo, malum gravissimum cum maiore ægri periculo ingeminant. an itaque bonum febrem apoplexiæ supervenire? Hac senes, crapulæ addicti, facile corripuntur: cui etiam proni sunt, quibus à naturâ cervix brevis, aut angusta concessa est: caput amplum, rotundum, grave frequentiori sopore tentatur: oculi tenebris offunduntur: corpus totum pigrescit inertiusque evadit: *οἱ παχίς φέσει, παχὺ θανάτωσι καὶ ἰσχυρῶν.*

## IV.

**A** P O P L E X I A quo se prodit manifestius eo periculi plus inesse denuntiat. *ἰσχυρὴ ἀνία*: adeo ut nullâ ratione possit curari nequidem ab Æsculapio. *ἀδυνάτης, δυσκαταμάχτης*: nisi obstructarum viarum libertas brevi comparetur, momentaneum affert suffocationis periculum: ægrum interficit: vel eam non raro excipit succedanea paralytis, calamitosa certe, nihilominus in huiusmodi casu deploratissimo nemini non optanda. occasio præceps, nullasque morbus præbet inducias: præsentem Medici, non *αἰμοφόρον*, opem efflagitat. *ἡ ἀπληκτικὴν αἰμορροΐδης ὅτι γὰρ μὴναι ἀγρήσιμος*: sic arte & consilio facta detractio sanguinis *ἀφαιεῖται* exolvit. tam late se diffundit, tuta acutissimorum anchora *φλεβοτομία*, sanguis ex utrâque basilicâ pro vasorum plenitudine statim est detrahendus, clysmi paulo aciores injiciendi; saphenæ sectio, propter partes longius distitas, tuncque frigore torpescientes, lentius præcipiti morbo occurrit; ranuncularum sub linguâ venarum diuisio, quia nec os diducere, nec linguam potest æger exerere, inutilis aut impossibilis; capillitij deratūra, cucurbitulæ rubicantes, scarificationes, emplastra *ἑρπυσσικὰ*, partium frictiones, minoris sunt efficaciæ; purgantia *δρακικόπερα* (suo tempore proficua) neque repentinam morbi vehementiam, neque oborientem impetum sedant; *ῥέματα*, anceps remedium; totius negotij præcipuum feret punctum, venarum jugularium sectio, ad omnem apoplexiam curandam (fremant licet *αἰμοφόροι*) nunquam omittenda.

## V.

**I** V G V L A R E S venas secare nequaquam periculosum, modo id opus à perito chirurgo administretur. ligatura non constringens, sed paulo laxior circa collum est circumducenda, ut vasa in situ mancant, & sanguis non guttatim per collum quasi collachrymando, sed in arcus figuram effluat. tundenda vena vulnere non amplo, non parvo, sed mediocri: non transversim, sed oblique

secundum ipsius longitudinem. <sup>4</sup> sublatâ ligaturâ statim (vt solet) fluxus quasi sponte sistitur tunc sufficit fasciatio simplex ad continendum splenium, ex panno linteo quadruplicato, vulneri imponendum. vbi vero in magnâ spirituum efflatione, collo & venis multum intumentibus, orgasmo effervescens sanguis, quasi ergastulis non coërcendus, erumpit cum impetu: opuserit emplastro de mastiche, vel ad maiorem tutelam futurâ, quam vocant involutam, acu minimâ & filo perficiendâ; hac arte ferocientis humoris cohibetur insultus, vulnerisque partes extimæ inter se agglutinantur. Num igitur falso nomen impositum, cum non juguletur, cui jugularis vena secatur? Nec est novum aut insolens illud præsidium, quod à pluribus annis, fœlici successu, à Medicis in usum revocatum est, ad curandos gravissimos capitis affectus: cephalæam, phrenitidem, maniam, inveteratas contumacesque oculorum inflammationes, & ipsam *ἀσπασίαν*. Iugularium sectio eripit plusquam decumanis fluctibus pene naufragum apoplecticum, aut properantia fata moratur. ad revellendam simul & derivandam, ab omnibus cerebri partibus, etiam intimis, materiam, quæ committit apoplexiam, nullum est ipsâ præsidium, efficacius; omni apoplexiæ *ἀσπασίαν* est. dum à jugularibus externis, cum internis communicantibus, cito (vt expedit) & in copiâ magnitudini morbi analogâ, evacuantur humores: eorum orgasmum cohibet aut sedat; solvit & arcet *ἡ σφικτικὴ ἀποπληξίς*; obstructions reserat; spiritibus aditus & vias patefacit; omnia subducto morbi pabulo comperat; vires recreat; naturam oneris parte levatam reddit expeditiorem; & liberiore factâ respiratione ægrum ab imminente periculo tutius vindicat.

*Ergo omni Apoplexiæ jugularium sectio.*

# DOMINI DOCTORES DISPUTAVRI.

M. Abrahamus Theuart.

M. Nicolaus Liénard, Schola Prof.

M. Philippus Douré.

M. Michaël Denyau, Chirurg. Prof. M. Tuffanus Fontaine.

M. Claudius de Frades.

M. Franciscus Pajot.

M. Ægidius le Bel, Vnic. Fratr. Reg. M. Florimundus Langlois.

Med. ord.

Proponebat Lutetiæ CAROLVS LE LONG Pruvineus.

A. R. S. H. M. D C. L X V.